

修訂日期: 2005/10/27 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 19, No. 921

原始資料: 蕭鎮國大德提供, 北美某大德提供

No. 921

阿閼如來念誦供養法一卷

開府儀同三司特進試鴻臚卿肅國公食邑三千戶賜紫贈司空謚大鑒正號大廣智
大興善寺三藏沙門不空奉 詔譯

敬禮遍照尊	我今依契經
略說阿閼佛	修行念誦儀
行者應當禮	五方諸如來
盡想虛空中	遍滿如胡麻
即對一一佛	盡心而懺悔
隨喜及勸請	我所積集福
迴向諸有情	次即對本尊
應當結跏坐	端身應正直
閉目離攀緣	即起悲愍心
觀察無邊界	初結三昧耶
次誦金剛輪	滅除諸過咎
即當結甲印	加持於五處
次作金剛檝	堅牢道場地
復結方隅界	壇中觀大海
中想彌盧山	上觀寶樓閣
閣上師子座	種種供養具
眾寶以莊嚴	次結車輅印
想奉妙喜剎	即靜虛空道
又結請寶車	及以部心請
復應作辟除	及示三昧耶
即結金剛網	奉獻闍伽水
想浴無垢身	復當奉尊座
次第獻五供	即結虛空藏
盡於無邊界	一一想雲海
以身親奉獻	即當誦讚歎
或讚百八名	即結部母印

加持本所尊	及護於自身
次結本尊印	即當捧珠鬘
加持已頂戴	諦住而念誦
即入字輪觀	以此殊勝福
迴向於有情	即結本尊印
次誦部母明	如前五供養
及讚本尊德	即獻闕伽水
應結外院印	左轉而解界
復結寶車輅	外撥而奉送
想尊還本宮	重結三昧耶
五悔如前作	即起隨自意
讀誦大乘經	或住三摩地
印塔思六念	以福資悉地
是名菩薩行	

行者入本尊精舍。面向東方胡跪合掌。諦想一切如來諸大菩薩微塵數眾。遍十方界由如胡麻。如對目前。於中復想五方如來。各禮一拜。禮一切如來真言曰。

唵薩嚩怛他誡路迦(引)

耶嚩吉質多播(引)娜滿娜喃迦嚕冥

由誦此真言	作禮於諸佛
即於十方刹	禮事悉圓滿

即右膝著地合掌當心。而懺諸咎。我從無始時來至于今身。所作眾罪十惡四重五無間等無量無邊。今對一切諸佛大菩薩前。深生悔恨發露陳。懺一懺已後更不復造。懺悔真言曰。

唵薩嚩播(引)跋娑普吒(二合)娜訶曩嚩日囉(二合引)野娑嚩(二合引)訶

由誦此真言	實相理相應
諸罪如枯草	焚盡無有餘

次應思惟。一切如來諸大菩薩緣覺聲聞。及諸凡夫積集福智。我今盡隨喜。如一切如來隨喜一切福智。我今亦如是隨喜。隨喜一切福智真言曰。

唵薩嚩怛他誡路奔尼野(二合)枳穰(二合引)曩努慕娜曩布惹(引)冥伽三母捺囉(二合引)娑發(二合)囉拏三麼曳吽(五)

由誦此真言	諸佛及菩薩
二乘凡夫福	獲殊勝隨喜

次諦觀。一切如來遍周法界初成正覺。即想己身處彼海會一一佛前。誠心勸請願諸如來哀愍我等轉無上法輪。請轉法輪真言曰。

唵薩嚩怛他(引)誡路(引)地曳(二合)沙拏(二)

布惹冥伽三母捺囉(二合)娑發(二合)囉拏三昧曳吽(四)

由誦此明故 一切諸如來

雜染清淨刹 轉無上法輪

次應勸請。十方諸佛如來不般涅槃。願諸如來哀愍有情。久住世間不般涅槃。於無量劫廣作利益。請不般涅槃真言曰。

唵薩嚩怛他誡單(引)曩地曳(二合)沙夜(引)冥薩嚩薩怛嚩(二合)呬哆(引)囉他(引)野達摩馱到悉體(他以反)底婆嚩觀

由誦此真言 一切諸如來

復住無量劫 廣利益有情

行者作是思惟。我今禮佛懺悔隨喜勸請。言如是積集無量福智。願皆迴向一切眾生。佛所稱讚殊勝悉地。願諸有情皆得圓滿。迴向發願真言曰。

唵薩嚩怛他(引)誡路商悉路(引)薩嚩薩怛嚩(二合引)南(引)薩嚩悉地藥三鉢睨耽(引)怛他(引)誡路室者(二合引)地底瑟綻(二合)耽

由誦此真言 諦誠發勝願

一切眾生類 速皆得悉地

行者於本尊像前。結跏趺坐或半跏或吉祥。乃至輪王等隨意而坐。復想一切如來及諸菩薩金剛部眾。起大悲愍。拔濟安樂一切有情。願一切眾生速得無上菩提悉地。

即結佛部印 止觀虛心合

開掌定輔進 惠輔於定側

專注於一緣 思惟佛相好

真言誦三遍 置頂便散之

佛部三昧耶真言曰。

唵怛他(引)誡妬納婆(二合)嚩(引)野娑嚩(二合引)訶

由誦結此印 一切佛部眾

加持於行者 不違自本誓

次結蓮花部 虛心作合掌

微開進念定 即想觀自在

具相持蓮花 而住瑜伽定

分明誦三遍 頂右而散之

蓮花部三昧耶真言曰。

唵跛娜謨(二合)納婆(二合)嚩(引)野娑嚩(二合引)訶(引)

由誦結印故 一切蓮花部

聖眾來雲集 本願而加持

次結金剛部 止觀反相叉
餘力三鈷形 心想執金剛
威德手持杵 具相身嚴飾
應當誦三遍 頂左而散之

金剛部三昧耶真言曰。

唵嚩日嚩(二合)納婆(二合)嚩(引)野娑嚩(二合引)訶(引)

由誦及結印 一切執金剛
皆集來現前 與願不違誓
次結甲冑印 二羽內相叉
念力並申合 定輔如杵形
額肩心及喉 五處各一遍
思惟身威光 熾盛遍圍遶
諸魔及障者 馳散不敢覩

金剛甲冑真言曰。

唵嚩日囉(二合引)銀儻(二合)鉢囉(二合)捻跛路(二合引)也娑嚩(引二合)訶

由結甲印故 遠離於諸障
能遮惡趣門 亦護諸眾生
次結金剛輪 大威德印契
二羽內相叉 豎二念定力
二念糺定合 二慧並申合
安契當於心 誠心誦七遍

金剛輪真言曰。

娜麼悉底[口*束*頁](三合)野(一)陀尾(二合)迦(引)南(引)薩嚩怛他(引)誡路(引)南(引三)暗
(引四)尾囉爾(五)尾囉爾(六)摩賀(引)嚩日囉(二合七)娑路娑路(八)些(引)囉帝(九)些(引)囉帝
(十)怛邏(二合)異(十一)怛邏(二合)異(十二)尾馱麼儻(十三)三畔若儻(十四)怛囉(二合)麼底(十
五)悉馱(引)訖[口*(隸-木+士)](二合)怛嚩(二合)沙嚩(二合引)訶(引)

由誦此真言 如再入輪壇
失念破三昧 菩薩與聲聞
身口二律儀 四重五無間
是等諸罪障 悉皆得清淨
次當結地界 進念互相交
信定慧豎合 雙慧輔於地
三拍想下方 熾成獨鈷杵
徹至金剛際 想除地過患

金剛橛真言曰。

唵枳里枳里嚩日囉(二合)嚩日哩(二合)部呬(二合)滿馱滿馱吽發吒(半音)

由結地印故	盡想道場內
即成金剛地	諸魔不得便
以微少功行	速證三摩地
身心不疲倦	遠離於昏沈
次結金剛牆	准前下方契
揆開二慧豎	三匝而右旋
心想金剛牆	赫奕起威焰
遍護於道場	以成方隅界

金剛牆真言曰。

唵薩囉薩囉嚩日囉(二合)鉢囉(二合)迦(引)囉吽發吒(半音)

由結牆印故	諸魔及障者
毘那夜迦等	四散而馳走
次結大海印	止觀仰相叉
即成於海印	當心而旋轉
應想成大海	深廣無邊際
清淨八功德	皆從法界生

大海真言曰。

唵尾麼路娜地吽

次結須彌印	止觀內叉拳
真言誦三遍	即想妙高山
四寶而成就	七金山圍遶
山頂想樓閣	眾寶以莊嚴

須彌山真言曰。

唵阿左攞吽

次結虛空藏	明妃大密印
二羽金剛縛	進力如寶形
餘度豎如幢	止觀互相交
即成供養儀	次第修如是
次想於殿中	本尊與眷屬
各依花位座	塗香及花鬘
燒香摩尼燈	闕伽及賢瓶
殊妙天飲食	寶柱而行列

以我功德力 如來加持力
及以法界力 普供養而住
虛空藏大明妃真言曰。

唵誚誚曩三婆嚩嚩日囉(二合)穀(引)

由誦結此印 虛空藏本尊
不越本願力 皆成實供養
次應結寶車 止觀仰相叉
二定側相拄 二慧輔定側
真言誦三遍 奉送本尊刹
奉車輅真言曰。

唵靺嚩靺嚩吽

行者持香鑪 即靜虛空道
真言誦三遍 壞裂魔羅網
靜治道路真言曰。

唵(一)蘇悉地迦哩(二)惹嚩(二合)理路(引)難(引)路(三)慕嚩怛曳(四)惹嚩(二合)擺惹嚩(二合)擺滿馱滿馱賀曩賀曩吽發吒(半音)

心想七寶車 眾寶蓋莊嚴
繪幡寶鈴鐸 珠鬘遍交絡
無量諸天樂 不鼓自然鳴
皆奏和雅音 想至妙喜刹
本尊與眷屬 乘此寶車輅
即當結請車 准前車輅印
慧力撥二念 想車至於空
請上車輅真言曰。

娜麼悉底[口*(隸-木+士)](二合)野(一)地尾(二合)迦(引)南(二)薩嚩怛他誚路(引)南(引三)唵(四)嚩日[口*朗](二合)倪儺夜(二合五)羯沙野娑嚩(二合引)訶

次結部心印 止觀內相叉
左慧向身招 三遍加來句
本尊與眷屬 歡喜赴集會
部心請真言曰。

唵嚩日囉(二合引)地力(二合)翳係係娑嚩(二合引)訶

由誦此真言 本尊與眷屬
歡喜赴集會 與願令成就
即結辟除印 止觀金剛形

先當舉止羽 外拓作辟除
一切諸魔羅 怖畏而馳走
辟除真言曰。

唵枳里枳里嚩日囉(二合引)吽發吒(半音)

由誦及辟除 諸有魔障者
從聖隱眾會 奔馳而四散
即舉於觀羽 作示三昧耶
聖眾憶昔願 復當赴集會

示三昧耶真言曰。

唵商羯[口*(隸-木+土)]三麼野沙嚩(二合引)訶(引)

次結金剛網 准前金剛牆
二慧捨定側 右旋於頂上
即成堅固網 上方諸魔羅
無有能侵惱 修行速得成

金剛網真言曰。

唵尾塞普(二合引)囉捺囉(二合引)禮叉(二合)嚩日囉(二合引)半惹囉吽發吒(半音)

即結密縫印 止掌輔觀背
二慧而申直 真言誦三遍
右旋及上下 心想金剛焰
密合方隅界 威靈其處所

金剛火院真言曰。

唵阿三摩(引)銀儻(二合)吽發吒(半音)

次應虔誠心 奉獻闍伽水
持器當於額 運想沐聖眾

奉闍伽真言曰。

娜莫三滿跢沒馱南(引)

誑誑曩三摩(引)娑摩娑嚩(二合引)訶(引)

次應獻花座 二羽虛心合
進念定微屈 運心而旋轉
本尊與眷屬 想坐花臺上
一一處本位 觀念令分明

花座真言曰。

娜莫三滿跢沒馱(引)南惡(引)

次結塗香印 觀掌向外豎
止羽握右觀 心想塗香雲
遍塗聖眾海

塗香供養真言曰。

唵(一)嶠馱磨(引)禰爾(二)嚩囉芾(三)鉢囉(二合引)底吃哩(二合)豐拏(二合)娑嚩(二合引)
訶(引)

纒結塗香印 遍於印契中
無量香天女 各持塗香器
盡於無邊刹 供養佛聖眾
不久當獲得 五分具法身
次結花鬘印 止觀仰相叉
二定屈如環 慧輔定下節
心想奉花鬘 用獻聖眷屬

花鬘供養真言曰。

唵(一)麼(引)擺(引)馱嶷(二)嚩日囉(二合)馱囉娑嚩(二合引)訶(引)

纒結花鬘印 遍於印契中
無量花天女 各持花鬘器
盡於無邊刹 供養佛聖眾
不久當獲得 離染如蓮花
即結焚香印 二羽而仰掌
信進念豎背 定慧側相拄
心想燒香雲 以奉聖眷屬

焚香供養真言曰。

唵(一)度跛始契矩嚕嚩日哩(二合)拏娑嚩(二合引)訶(引)

纒結焚香印 遍於印契中
無量香天女 各持七寶爐
盡於無邊刹 供養佛聖眾
不久當獲得 如來無礙智
次結飲食契 二羽虛心合
慧力輔禪側 狀如食器形
心想飲食雲 以奉聖眷屬

飲食供養真言曰。

唵(一)磨擺磨擺(二合)冥伽磨(引)疑爾(三)鉢囉(二合)底吃哩(二合)豐拏(二合四)嚩日哩
(二合)拏娑嚩(二合引)訶(引)

纒結飲食契 遍於印契中
 無量諸天女 各持寶食器
 盡彼無邊刹 供養佛聖眾
 不久當獲得 法喜禪悅食
 次結燈明印 觀羽密作拳
 豎念慧側輔 真言誦三遍
 心想摩尼燈 以奉聖眷屬
 寶燈供養真言曰。

唵(一)惹嚩(二合引)攞(引)麼(引)隸儻(二)禰跛始契娑嚩(二合引)訶(引)

讒結燈明印 遍於印契中
 無量燈天女 各持摩尼燈
 盡彼無邊刹 供養佛聖眾
 不久當獲得 清淨五種眼
 運心悉周遍 無量佛刹中
 種種而奉獻 無邊供養儀
 即結虛空藏 大菩薩密印
 二羽金剛縛 二定如寶形
 信進如幢刹 二慧而合豎 真言誦三遍

虛空藏真言曰。

娜麼薩嚩怛他(引)誡帝鼻喻(二合)尾濕嚩(二合)目契鼻藥(二合)薩嚩他(引三)欠唄娜誡
 (二合)帝塞普(二合)囉吡[牟*含]誡誡曩劍娑嚩(二合引)訶(引)

即讚本所尊 無量功德聚
 或誦百八名 歌詠聲供養
 行者於身中 當心應觀察
 圓滿淨月輪 專注令分明
 上想金剛杵 金色五智形
 光明遍流出 照觸無邊界
 警覺魔羅宮 廣大作佛事
 以此三麼地 而成阿閼佛
 具相觸地印 眷屬以圍遶
 即結根本印 加持於四處

無動如來真言曰。

唵惡屈葛(二合)毘野(二合)吽

次結莽莫計 部母大悲者
二羽內相叉 信念慧如針
三遍加本尊 即當護己身
各誦於一遍 加持於五處

莽莫計真言曰。

娜謨囉怛娜(二合)怛囉(二合引)夜野娜麼室戰(二合)拏囉日囉(二合引)播拏曳摩訶藥叉
細曩鉢路曳唵矩蘭馱哩滿馱滿馱吽發吒(半音)

次結如來不動大身印。誦本明七遍。大身真言曰。

娜謨婆誑囉帝 惡屈葛(二合)毘夜(二合)野怛他誑路(引)夜(引)囉訶(二合)帝三藐三沒
馱(引)野怛儻野(二合)他(引)迦迦儻迦迦儻囉左儻囉左儻咄囉(二合)吒儻咄囉(二合)吒儻怛
邏(二合)

娑儻怛邏(二合)

娑儻鉢囉(二合引)底(丁以反)訶路儻鉢囉(二合引)底訶路儻薩囉羯麼跛嗑跛邏野屈葛(二合)
毘野(二合)靚娑囉(二合引)訶(引)

次應淨念珠 二羽捧珠鬘
加三遍頂戴

淨珠鬘真言曰。

唵吠囉者娜麼囉娑囉(二合引)訶

次結持念珠 二羽半金剛
以此持念珠 真言誦三遍

持珠真言曰。

唵囉蘇莽底室哩(二合)曳鉢娜莽(二合)忙里儻娑囉(二合)訶

即誦本尊明 身前觀尊相
自身亦如是 專注離散亂
或以實相理 與法身相應
真言字分明 不緩亦不急
或千或百八 一數常准定
念誦當畢已 捧珠於頂上
遍數付部母 復結三昧那
誦本明三遍 即入字輪觀
於心月輪上 行列真言字
金色具威光 思惟實相理
應觀唵字門 諸法無流注
次念阿字門 諸法本不生

第三閔字門	諸法無盡滅
第四陞字門	諸法無自性
第五吽字門	諸法無因緣
一一真言字	觀照法界性
從初至究竟	注心勿令間
復結部母印	真言誦三遍
應以歌詠音	讚揚本尊德
重結五供養	奉獻本所尊
復獻闕伽水	懇勤求本願
隨心上中下	如教獲悉地
即結外院印	右旋解諸界
次結寶車輅	及結部心印
送尊皆外撥	復結三部印
護身及五誨	應當如前作
禮佛隨意樂	讀誦方廣乘
十法行感招	無量無邊福
契經思六念	皆以實相理
一一應思惟	相應瑜伽教
若欲除業障	應當印佛塔
或沙及香泥	皆安緣起偈
積數如經說	終畢現奇特
修集念誦法	以此勝福田
一切諸有情	速成阿閼佛

發遣真言曰(用前車輅印三外撥三念)

。

唵嚩日囉(二合引)地力(二合)夜呬夜呬娑嚩(二合引)訶(引)

由誦此真言 即成發遣尊

除菱花真言曰。

唵濕微(二合)帝摩訶濕微(二合)帝佉(引)娜寧娑嚩(二合引)訶(引)

次掃地真言曰。

唵訶囉訶囉(二)[卅/儒](穰古反引)[卅/(阿-可+辛)/子]囉(二合)訶囉拏(引)耶娑嚩(二合)訶(引)

塗地真言曰。

唵迦囉(引)隸摩訶迦囉隸娑嚩(二合引)訶(引)

阿閼如來念誦供養法一卷